



TSIBOSO YA BOBEGAKGANG

Babegakgang ba naga ya Aforika Borwa ba lalediwa go tsenela dikgaisano tsa Dikabo tsa Bobegakgang tsa SADC tsa ngwaga wa 2022 ka go romela dikopo tsa bona.

Dikabo tsa Bobegakgang tsa SADC di letlelela babegakgang botlhe ba ba tswang kwa Dinageng tse e leng Karolo ya SADC go di tsenela. Mmegakgang yo a tla fenyang maemo a ntlha o tla abelwa kabo ya gagwe le ditefikheiti tsa yona mo Kopanong ya bo 42 ya SADC e e Tsenelwang ke Ditlhogo tsa Dinaga le tsa Mebuso.

Dikabo tsa Bobegakgang tsa SADC di sale di tlhomiwa ka ngwaga wa 1996 go nopola ditiro tse di tswileng diatla tsa bobegakgang mo go phasalatseng tshedimosetso mo kgaolong ya SADC ka maitlhomo a go ema nokeng thulaganyo ya tirisanommogo ya dinaga tsa kgaolo le go golaganya tikologo. Mmegakgang yo a tla fenyang maemo a ntlha mo thulaganyong e nngwe le e nngwe ya bobegakgang o tla neelwa madi a le kanaka US\$2,500 fa yo a tlang mo morago ga gagwe ene a tla neelwa madi a le kanaka US\$1000.

Go susumetsa gore mo kgaolong go nne le tshwaragano le tirisanommogo (mabapi le dikgogakgogano tse di a tleng di tshologele kwa dinageng tse dingwe tsa kgaolo eno), maitlhomo a dikabo tseno ke go nopola tiro e e tswileng diatla ya bobegakgang fa go tla mo tirong ya dikgatiso, ya go tsaya ditshwantsho, ya go tsaya dibidiyo, ya go gasa mo seyalemoweng mmogo le go rotloetsa babegakgang mo dinageng tse e leng karolo ya SADC go phasalatsa dikgang tse di buang ka se se diragalang mo kgaolong eo.

Babegakgang ba ba batlang go tsenela dikgaisano tseno ba ka bona tshedimosetso e e tseneletseng ka dikgaisano tseno mo webesaeteng ya www.sadc.int le mo webesaeteng ya www.gcis.gov.za

Go bona diforomo tsa go tsenela mmogo le melawana ya dikabo tseno o ka tobetsa linki e e fa tlase:

<https://www.gcis.gov.za/newsroom/media-releases/launch-2022-sadc-media-awards-competition>

Dikopo tsa go tsenela di tshwanetse go romelwa ka poso kgotsa di tlisiwe ka namana kwa kantorong e nngwe le e nngwe ya MDDA kgotsa ya GCIS ka fa nageng mme e tshwaiwe ka tshamalalo gore ke ya go tsenela kgaisano eno:

Katoro ya MDDA

SADC Media Awards Entry

MDDA – 1ST Floor

5 St Davids Place

Parktown, Johannesburg

2193

Kgotsa

Katoro ya GCIS

SADC Media Awards Entry

Government Communications

1035 Francis Baard Street

Hatfield, Pretoria

0028

**Dikopo tsotlhe tsa go tsenela di tshwanetse go romelwa pele ga la bo 28
Tlhakole 2022.**

Go bona tshedimosetso ka botlalo ikgolaganye le:

Rre Ayanda Hollow

Mogala wa seatla: 061 488 0634

Mme Mmemme Mogotsi

Mogala wa seatla: 072 856 4288

**E REBOTSWE KE SETHEO SA PUSO SA TLHAELETSANO LE TSHEDIMOSETSO
(GCIS)**